

TATE TUNG A PA DINMUN

LEH MOHPUAKNA

sutzopna...

(Ephesate 6:4)

Jamson Guite

2. Mohpawtu/mohkhutu (Accountability)

Pate tuh tate tung a mohpotu (accountable) ihihdan a theihtheihnawn hi. Laisiangthou in tate tuh goutan, kipahman hi uh ahihdan ahon hilh hi (Sam 127:3-5). Vualzawlina hamphatna peuhpeuh a accountability a omnak hi. Pathian in tate tung ah mohpuakna liantak hon guan a, midang kuahiam kiang, saptuamte kiang hiam ah a pekei hi. Pa kiang a hon pia ahihman in mohpotu hihna pate'n kinei hi. Huaiziak in tate tungtang thu ah pa'n moh akhu diing hi (I Sam 3:13).

3. Possibility

I tangtel un pate mohpuakna leh mohpawtu hihna kia a genkei a, tate kepna alohchintheih, Toupa thuzohna leh hihlna a kepzoh theih ahihdan leng a taklang hi. Pathian in thil hitheilou a genngeikei. Na tate uh Toupa thouzohna leh hihlna ah kem un achih lebel thil hihthei chihna ahi mai hi. Huaiziak in hiai akipan in leng pate tungtawn a innkuan a vangam luttheih ahihdan a muhtheih hi.

Pate'n tate bang pansan a enkol diing?

I Laisiangthou tangtel, ephesate bung gukna a pate dinmun leh mohpuakna Paul in kha theihsak a ana gen sang a pate a diing a challenging zaw leh thupizaw mohpuakna dang a omkei diing chi lehang I genkhial diing in ka gingtakei. Bangziak in ichih leh innkuan ichih Pathian mitmuh in a manpha mahmah hi. Hiai Pathian in manpha ana sak leh ana homthoh mahmah tuh soal leh sugop in ana omta hi. Hiai sugop a ana omta pen tuh ahihna ngeinna, Pathian deihna bangbang ahong hihkiknawn theihna diing in Pa'n mohpuakna thupitak a khut a ah tawi a, huai mohpuakna hiai ephesate 6:4na a taklat in ahong om hi. Huaiziak tak a hiai sang a pa a dia challenging zaw omlou chi ihi.

I gentaksa mahbang in tate kep kichi challenging petmah a, huchibang kallak ah pate'n hiai mohpuakn I zoh ngeingei lebel innkuan in ahihna masa hon neinawn diing a, melmapa nakpitak in vuallel diing hi. Innkuan a bit chiang in saptuam leh khotang bit ahihman in Setanin innkuan siatna diing in nasatak in panla hi. Huchia Setan in innkuan nakpitak a a soal lai in Pathian in innsung apapen tuh innkuan humbittu diing in ana koih a, huai setan apan bittheihna diing in pa tuh tate hoihtak a chill diing leh Toupa thuzohna a kem diing in deih hi.

Tate etkol, tate chiil kichi pa mohpuakna ahi chih I thei chiat uh. Tate kep a chiil pa mohpuakna ahih leh hihlouw thu a kuamah buai diing in I ka gingtakei. Pate mohpuak a pomvek ihih ziak un. Himahl-eh tulai khovel changkang mahmah lak a tate bang chi etkol diing chi in a etkol diing dan thu ah I buai chiat sim uhi. Tulai naupangte pil lotelta uh ahihziak in bang chi etkol a hoih diing ahia chih theih ahaksa chih pa tampite kahla ahi.

Ken bel hiai thu toh kisai ei khristiante a diing a buaihuai in ka koih hetkei hi. Ginglou mite hiai thu a a buai uh lehbel ahi diing mah in ka koih a, himahleh Christian pa khat tate bang chibang a enkol diing chi a abuai mawk pen lamdang kasa hi. I zoh leh zohlouw bel thutuam hong hita leh, a etkol diing dan pen bel thil buaihuai hilou in ka koih hi. 2 Timothy 3:16na in tuh Laisiangthou Pathian hatkhum a piak ahihziak in thuhilhna diing, taihilhna diing, bawlhohina diing leh diktatna lam a kichilna diing in a phatuam ana chi hi. Tua ahihman in naupang etkolna diing a ivat-zat diing tuh ei khristiante a diing in I Laisiangthou kan a hoihazaw leh kingakna tak omlou hi. Mipil leh misiamte advice sang mah in leng kha advice mah tuh muamthamzaw dia, a lohchin huaizaw ngeingei diing.

CONTACT ADDRESS

CHURCH OF CHRIST, DELHI
 RZ- 2008/25, HOUSE No. 13 S.F
 TUHLAKABAD EXTENSION, NEW DELHI-110019
 PHONE NO. 9953968807
 EMAIL: khrissuangphum@gmail.com

'KHIRS' SUANGPHUM, A WEEKLY BULLETIN FOR
 THE MEMBERS OF THE CHURCH OF CHRIST, DELHI,
 ON THE FIRST DAY OF THE WEEK'
 Website: cocdelhi.org

Enkaitu: Jamson Guite | Panpihtu Jangthang | Khamminthang

BIBLE CLASS

Class	Teacher
Adult	: L. James Guite
Inter	: Jamson
Primary	: Suanching

TOUPANI' THILPIAK
[03/08/2014]
Rs 15,500

Tuni Biakna Hunzeek
[10/08/2014]

Thumna hun-uk : Thongginlian
 Lapitu : Thawnkhansang
 Thilpiak : Pauminthang
 Theihgigena : Liankhogin
 Thuhilhtu : Thongsandong
 Thumna : Thanglianmang

Kiginni Biakna Hunzeek
[16/08/2014]

Thumna hun-uk : James
 Lapitu : Pausuanlian
 Thuhilhtu : Kamkhenthang
 Thumna : Jamson
 Amun: Unp. Khamminthang inn
 ☎ 9899781432

Kalnawn Biakna Hunzeek
[17/08/2014]

Thumna hun-uk : Jangthang
 Lapitu : Pausuanlian
 Thilpiak : Timothy
 Theihgigena : Kammuanlal
 Thuhilhtu : Jamson
 Thumna : Pauliansiam

pekmailam sutzopna...

Thukhitna: Pate I mohpuakna a lian. Tate kepna ah lohsam kisa a lungkiat a baihlam mahmah diing in a gingtak huai. Laisiangthou in hon kokmuhdan in hoihtak in phatuam ngaihna toh tate chil ngeingei lehang tate kepna a kilosamlou diing hi. Naungek amahmah le amah an kinek theisak a hong piang a omkei. Himahleh aneu apan hoihtak a ahi diing bangtak a I chil ziak in khovel ah kuamah ana amah leh amah a kinek theilou a omkei hi. Huaimah bang in Laisiangthou hon sinsakdan in tate chil ngeingei lehang kikhahsuanlou diing hi (Paunakte 6:22).

I sahkua ki sinsakna sahkua ahih dungzui in (Deut. 6:5-9; Sam 78:4-8) pa'n tate sinsaksak mai lehang lampi dik hon zui mai diing uhi. I tate hilh in eimah in I gen bangbang zui lehang I nung hong zui diing uhi. Mihing dan leh theihna zang a I tate I etkol a ichil lebel I losam thei a, himahleh Pathian thu mah in chiil lehang Pathian thu in thilhihthei ahihman in (Hebrute 4:12) tate kepna ah I lohching ngei diing uhi.

THOUGHT OF THE WEEK

**Midiktat in thil tawmchik a neih tuh migilou
 tengteng' hauhsakna saang in a
 manpha zaw hi (Sam 37:16).**

Theu Tuamtuam

Theu Tuamtuam

LAWMMAN HAWMNA OM

☛ Kal paita Toupani biakna zoh in Bible Quiz a khatna leh nihna late kiang ah lawmman hawmna thupitak neih in om hi. Hiai hun ah piching pawl a khatna hon laksak unaupa Thangbiakmang leh unaunu Vunggaihkim-te kaingah Certificate kilawmtak leh vai dangka teng 3000 piakkhiak hi a, huan nihna la unaupa Pauminlun leh unaupa Pauliansiam-te kiang ah leng Certificate kilawmtak leh vai dangka teng 2000 piakkhiak in om hi.

Junior pawl a khatna la Sara Nianthiankim kiang ah Certificate leh vai dangka teng 1500 piak in om a, nihna latu Celina Niangboi kiang ah leng Certificate leh vai dangka teng 1000 piakkhiak in om hi.

QUATER MUTA UH

☛ Unaupa Chinpau ten teena diing quater hoihtak Chanakyapuri ah (C- 12, MEA Residential Complex) ana muta chihthu kiza hi. Bawlphatna pailai lai ahihman in tenglut nailou uh a, kalnawn sungvel a kituahlut theihtha diing uh hi in thutut kingah hi. Lungdam pih mahmah hang.

DAMLOU

☛ Kal paita seppatni akipan in ni thum sung vel unaunu Nemta hitaang khosik ziak in damlou in ana om hi. Doctor in a piak damdawi anekte phatuampih in tunbel damsiangta hi.

☛ Huchibang mah in unaupa Jangthang ngei leng hiitang khosik ziak mah in kal paita sung in ni nihvel damlou in ana om a, amah leng Pathian panpihna toh damsiangta hi.

ZINKHIA

☛ Kal masa in unaunu Niangngaihching in Lamka lam zuan in honna zinkhiak san hi. Hun awl zang diing a va zinkhe zual hih-tuak a, tukal sung vel a hong kileh-kik diing hi in thutut kingah hi.

KIKNAWNTA

☛ Sepna toh kisai a hongzin unaupa Tawnsiangpau in Delhi a ni thumvel hun ahong zatkhith nung in kal paita nilaini in a sepna mun Uttar Pradesh lam zuan in honna kiksawnta hi.